

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 19 NOVEMBER 2013, PUKUL 10.00 PAGI

Bil. 41

PERTANYAAN-PERTANYAAN BAGI JAWAB LISAN

1. PR-1313-L58797
Tuan Liang Teck Meng [Simpang Renggam] minta **PERDANA MENTERI** menyatakan adakah persempadanan wilayah Kota Iskandar ditetapkan selama-lamanya dan bilakah persempadanan akan dikaji semula untuk memasukkan kawasan Simpang Renggam yang mempunyai lokasi yang strategik.
2. PR-1313-L58382
Dato' Dr. Nik Mazian bin Nik Mohamad [Pasir Puteh] minta **PERDANA MENTERI** menyatakan jumlah hasil kutipan zakat setiap tahun mengikut negeri. Adakah Kerajaan bercadang untuk memotong 2.5 peratus daripada gaji penjawat awam yang layak untuk mengeluarkan zakat dipotong terus kepada pusat pungutan zakat.
3. PR-1313-L57937
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KEWANGAN** menyatakan apakah langkah-langkah yang diambil untuk mengatasi masalah kejatuhan nilai Ringgit Malaysia yang jatuh berbanding kebanyakan wang asing.
4. PR-1313-L57471
Tuan Shamsul Iskandar bin Mohd Akin [Bukit Katil] minta **MENTERI PENDIDIKAN** menyatakan persediaan fizikal dan tenaga pengajar yang telah dan akan dilakukan untuk UiTM susulan pengumuman yang telah dibuat untuk menambah jumlah pelajar kepada 250,000 orang serta kajian tentang kesan kepada kualiti pengajaran dan pembelajaran.
5. PR-1313-L57871
Dato' Othman bin Aziz [Jerlun] minta **MENTERI TENAGA, TEKNOLOGI HIJAU DAN AIR** menyatakan apakah perancangan Kerajaan bagi memastikan semua empangan di seluruh negara berada dalam keadaan yang selamat. Apakah Kerajaan bercadang untuk menubuhkan Badan Kawal Selia Empangan bagi memastikan semua Empangan dipantau dan di selenggara mengikut piawaian dan tahap keselamatan yang terjamin sepanjang masa.

6. PR-1313-L57770
Tuan M. Kulasegaran [Ipoh Barat] minta **MENTERI DALAM NEGERI** menyatakan jumlah bilangan tahanan di Tempat Tahanan Perlindungan Taiping dan Pusat Pemulihan Akhlak Simpang Renggam serta nyatakan sebab-sebab penahanan tersebut.
7. PR-1313-L57707
Tuan Rozman bin Isli [Labuan] minta **PERDANA MENTERI** menyatakan apakah strategi jangka masa panjang bagi meningkatkan kadar penggunaan pengangkutan awam di negara ini.
8. PR-1313-L59090
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan jumlah peruntukan yang telah diagihkan dan diterima daripada Dana PIBG di bawah Yayasan 1MDB.
9. PR-1313-L57362
Tuan Haji Ahmad Nazlan bin Idris [Jerantut] minta **MENTERI DALAM NEGERI** menyatakan apakah hasrat Kementerian dalam meningkatkan kualiti perkhidmatan polis dari segi prasarana fizikal dan peralatan khususnya pembinaan IPD baru yang serba lengkap bagi menggantikan IPD sedia ada di mana kemudahannya tidak selari dengan perkembangan bandar seperti keperluan pembinaan IPD baru di Jerantut memandangkan tapak untuk projek tersebut telah disediakan.
10. PR-1313-L58968
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan perkembangan berhubung cadangan penswastan liga bola sepak negara.
11. PR-1313-L57852
Datuk Ahmad Jazlan bin Yaakub [Machang] minta **MENTERI KEMAJUAN LUAR BANDAR DAN WILAYAH** menyatakan penyediaan infrastruktur luar bandar seperti bekalan tenaga elektrik, air bersih dan jalan khususnya di Kelantan bagi memastikan penduduk luar bandar menikmati kehidupan lebih selesa dan nyatakan program untuk meningkatkan ekonomi penduduk luar bandar termasuk di Kelantan terutama di Parlimen Machang.
12. PR-1313-L57624
Tuan Gobind Singh Deo [Puchong] minta **MENTERI KEWANGAN** menyatakan tarikh bila projek sambungan laluan Ampang dan Laluan Kelana Jaya Sistem Transit Aliran Ringan (LRT) akan siap dan mula beroperasi serta tambang yang akan dikenakan untuk laluan-laluan tersebut.
13. PR-1313-L58636
Datuk Bung Moktar bin Radin [Kinabatangan] minta **MENTERI DALAM NEGERI** menyatakan tentang usaha Kerajaan dalam membendung kumpulan 'gangsterisme' dan kongsi gelap di kalangan masyarakat.

14. PR-1313-L57444
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan apakah Kerajaan tidak bercadang untuk memperkenalkan program afirmatif untuk meningkatkan taraf sosio ekonomi dan pendidikan golongan miskin kaum India dan jika tidak bagaimana Kerajaan bercadang mengatasi masalah kemiskinan di kalangan kaum India.
15. PR-1313-L58184
Dato' Seri Tiong King Sing [Bintulu] minta **MENTERI KERJA RAYA** menyatakan :-
- (a) apakah perkembangan dan status permohonan kerja pembaikan dan naiktaraf Jalan Tanjung Kidurong di Bintulu yang menyambung ke Samalaju dan Miri; dan
 - (b) adakah Kementerian mempunyai perancangan untuk membina 'flyover' di persimpangan lampu isyarat Medan Jaya dan persimpangan Jalan Kidurong-Nyabau.
16. PR-1313-L58813
Puan Hajah Fuziah binti Salleh [Kuantan] minta **MENTERI SUMBER ASLI DAN ALAM SEKITAR** menyatakan adakah Kerajaan sedia meminda Seksyen 34A Akta Kualiti Alam Sekitar dengan menurunkan keluasan tapak pertanian yang memerlukan Pemeriksaan Impak Alam Sekitar dari kadar asal 500 hektar dan ke atas kepada keluasan lebih rendah dalam usaha meminimakan kerosakan alam sekitar.
17. PR-1313-L58505
Datuk Ir. Dr. Wee Ka Siong [Ayer Hitam] minta **MENTERI KEWANGAN** menyatakan sejak tahun 2012 berapakah jumlah kes permohonan dan jumlah pengecualian cukai terhadap sumbangan orang awam yang dikemukakan oleh Lembaga Pengelola Sekolah SJKC, SMPC dan pertubuhan agama dan rumah berhala telah mendapat kelulusan.
18. PR-1313-L57759
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KESIHATAN** menyatakan nisbah bagi Malaysia secara keseluruhan dan setiap negeri, nisbah doktor secara keseluruhan kepada penduduk, doktor pakar kepada penduduk serta katil di hospital awam kepada penduduk.
19. PR-1313-L58090
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan sebelum ini Kerajaan bercadang untuk menggantikan penggunaan kereta rasmi Kerajaan daripada kereta buatan tempatan, iaitu Proton kepada kereta keluaran Honda. Tetapi, baru-baru ini, Kerajaan kembali membuat keputusan menggunakan kereta buatan tempatan. Mengapa Kerajaan membuat keputusan tersebut.

20. PR-1313-L57169
Dato' Dr. Tan Kee Kwong [Wangsa Maju] minta **MENTERI DALAM NEGERI** menyatakan mengenai jumlah kemalangan maut di jalan raya pada tahun 2010, 2011 dan 2012. Apakah langkah-langkah yang diambil untuk membanteras kemalangan maut di Malaysia.
21. PR-1313-L59085
Tuan Haji Ahmad Lai bin Bujang [Sibuti] minta **MENTERI DALAM NEGERI** menyatakan :-
- (a) apakah kejayaan Kerajaan menangani jenayah siber, gangsterisme dan pemerdagangan orang; dan
 - (b) berapakah bilangan penjenayah yang telah didakwa melalui pelaksanaan Ops Cantas.
22. PR-1313-L57306
Dr. Azman bin Ismail [Kuala Kedah] minta **MENTERI PERTANIAN DAN INDUSTRI ASAS TANI** menyatakan kedudukan pelabuhan-pelabuhan ikan di seluruh Malaysia daripada segi kepentingannya. Berapakan jumlah hasil laut daripada setiap pelabuhan.
23. PR-1313-L58310
Dato' Ahmad Fauzi bin Zahari [Setiawangsa] minta **MENTERI PERDAGANGAN ANTARABANGSA DAN INDUSTRI** menyatakan sejauh manakah sambutan syarikat perkilangan yang menerima insentif bagi pemuliharaan tenaga dan berapa pula jumlah syarikat perkilangan yang layak dipertimbangkan insentif Elaun Cukai Pelaburan (ECP).
24. PR-1313-L57107
Tuan Ng Wei Aik [Tanjong] minta **PERDANA MENTERI** menyatakan status 8 orang pelajar Malaysia ditaja oleh JPA untuk mengambil kursus Ijazah Sarjana Kejuruteraan Nuklear di Tokyo, Jepun sejak Oktober 2010 dan sama ada mereka terlibat sebagai pakar-pakar perintis untuk memulakan loji-loji nuklear di Malaysia.
25. PR-1313-L58293
Datuk Wee Jeck Seng [Tanjong Piai] minta **MENTERI KEMAJUAN LUAR BANDAR DAN WILAYAH** menyatakan bilakah pihak Kementerian bercadang untuk melengkapkan projek pembinaan jalan Pekan Nanas ke Tanjong Piai yang masih berbaki 8 km menurut rancangan memandangkan projek ini bertujuan memendekkan perjalanan dari kawasan Mukim-mukim Serkat, Ayer Masin dan Sg. Karang serta Rimba Terjun ke Johor Bahru dan memberi impak yang tinggi kepada pembangunan kawasan Tanjong Piai.
26. PR-1313-L59112
Tuan Karpal Singh [Bukit Gelugor] minta **MENTERI DALAM NEGERI** menyatakan bilangan kanak-kanak yang dilaporkan hilang kepada polis dalam tempoh 10 tahun lepas dan bilangan mereka yang dikesan dalam tempoh ini.

27. PR-1313-L57602
Tuan Haji Mohd Fasiah bin Haji Mohd Fakeh [Sabak Bernam] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan langkah Kerajaan bagi membendung aliran Indeks Harga Pengguna (IHP) yang terus naik bagi tahun ini khususnya dalam kumpulan utama seperti makanan dan minuman bukan alkohol, perumahan, gas dan bahan api dan pengangkutan.
28. PR-1313-L57423
Dato' Haji Mahfuz bin Omar [Pokok Sena] minta **MENTERI KEWANGAN** menyatakan apakah rancangan dan langkah Kerajaan dalam menangani defisit fiskal Kerajaan ke atas perbelanjaan mengurus terutama sekali dalam bab perbelanjaan bekalan dan perkhidmatan yang menyumbang 16 peratus daripada jumlah perbelanjaan mengurus Kerajaan.
29. PR-1313-L58975
Puan Mas Ermieyati binti Samsudin [Masjid Tanah] minta **MENTERI PELANCONGAN DAN KEBUDAYAAN** menyatakan perancangan dan program-program yang akan dilakukan bagi Tahun Melawat Malaysia 2014 terutamanya di Melaka. Apakah usaha yang dijalankan untuk mempromosikan Malaysia di mata dunia.
30. PR-1313-L58620
Dato' Dr. Mujahid Yusof Rawa [Parit Buntar] minta **MENTERI SUMBER MANUSIA** menyatakan konsep LOHAS (Lifestyles of Health and Sustainability) sebagai galakan kepada majikan merekrut pekerja yang prihatin kepada konsep hijau.
31. PR-1313-L58844
Datuk Haji Datu Nasrun bin Datu Mansur [Silam] minta **MENTERI SUMBER MANUSIA** menyatakan jumlah penganggur rakyat Sabah mengikut tahap pendidikan serta apakah perancangan Kerajaan untuk membantu para penganggur tersebut agar mereka dapat menyumbang kepada ekonomi dan pembangunan di Negeri Sabah.
32. PR-1313-L57666
Dato' Haji Irmohizam bin Haji Ibrahim [Kuala Selangor] minta **MENTERI PEMBANGUNAN WANITA, KELUARGA DAN MASYARAKAT** menyatakan bahawa adakah terdapat kajian-kajian saintifik atau ilmiah pernah dijalankan oleh pihak Kementerian untuk mengenal pasti punca-punca akar umbi yang menyebabkan peningkatan gejala pembuangan bayi yang semakin meningkat dalam kalangan remaja.
33. PR-1313-L57994
Dato' Wira Mohd Johari bin Baharom [Kubang Pasu] minta **MENTERI PELANCONGAN DAN KEBUDAYAAN** menyatakan tentang potensi batik Malaysia terutamanya di dalam kempen-kempen promosi yang dilakukan di luar negara melalui MATRADE atau *attache* pelancongan Malaysia (TDC) sejak lima tahun lalu. Apakah batik Malaysia mempunyai outlet (pusat jualan) eksklusif di luar negara. Jika ya, sebutkan nama negara berkenaan.

34. PR-1313-L58451
Tuan Mohd Rafizi bin Ramli [Pandan] minta **PERDANA MENTERI** menyatakan jumlah laporan rasuah yang diterima terhadap ahli politik diantara tahun 2010 hingga kini dan jumlah siasatan yang dibuka. Dari jumlah itu, berapa kes yang dihantar kepada Peguam Negara dan berapa kes yang berakhir dengan pendakwaan di mahkamah terhadap ahli politik terbabit.
35. PR-1313-L57222
Dato' Mansor bin Othman [Nibong Tebal] minta **PERDANA MENTERI** menyatakan status dan perkembangan terkini peranan National Unity Consultative Council (NUCC) daripada segi keanggotaan Majlis dan saranan-saranan yang dikemukakan untuk tangani permasalahan ketegangan perhubungan kaum dan perpaduan nasional.
36. PR-1313-L58606
Datuk Dr. Makin @ Marcus Mojigoh [Putatan] minta **MENTERI KOMUNIKASI DAN MULTIMEDIA** menyatakan :-
- (a) sama ada pihak Kementerian menyedari bahawa slot siaran bagi Berita Wilayah Sabah di TV1 RTM adalah terlalu pendek dan kadang kala kerana kesuntukan masa, banyak berita penting tidak dapat disiarkan; dan
 - (b) sama ada pihak RTM bersedia untuk menambah masa siaran yang dimaksudkan.
37. PR-1313-L58194
Datuk Madius Tangau [Tuaran] minta **PERDANA MENTERI** menyatakan apakah langkah-langkah positif yang sedang diambil untuk memastikan adanya anak Sabah dan Sarawak yang boleh diangkat sebagai Ketua Setiausaha Kementerian atau Ketua Pengarah Jabatan Persekutuan.
38. PR-1313-L58089
Datuk Haji Abdul Azeez bin Abdul Rahim [Baling] minta **MENTERI PENDIDIKAN** menyatakan apakah terdapat sebarang cadangan untuk meneruskan pendekatan rebat (pengurangan) 20 peratus kepada semua peminjam yang membayar balik PTPTN dan rebat (pengurangan) 10 peratus kepada peminjam yang berterusan membayar balik secara berkala.
39. PR-1313-L57643
Tuan Sim Chee Keong [Bukit Mertajam] minta **MENTERI SUMBER MANUSIA** menyatakan maklumat strategi Kerajaan dan pelan tindakan bagi perumahan untuk pekerja-pekerja migran, serta nyatakan jika ada, unit perumahan pekerja migran mengikut negeri dan nyatakan sama ada dibina oleh pihak swasta atau Kerajaan.
40. PR-1313-L58658
Puan Teo Nie Ching [Kulai] minta **PERDANA MENTERI** menyatakan perkembangan pembangunan *high-speed rail system linking Kuala Lumpur and Singapore*, kos pembinaan, kontraktor untuk projek ini, dan sebab kontraktor itu dipilih.

41. PR-1313-L58766
Tuan Julian Tan Kok Ping [Stampin] minta **MENTERI KEWANGAN** menyatakan jumlah peruntukan yang telah di bagi kepada *Composite Technology Research Malaysia (CTRM)* sejak ianya ditubuhkan sehingga sekarang. Namakan kejayaan CTRM sekarang dari segi kemampuan teknologi serta jumlah kontrak setelah sekian lama menerima sumbangan dari segi peruntukkan daripada Kerajaan.
42. PR-1313-L58727
Dr. Ong Kian Ming [Serdang] minta **MENTERI PENDIDIKAN** menyatakan jumlah dan juga pecahan kos untuk menyediakan Laporan Pelan Pembangunan Pendidikan Malaysia 2013-2025.
43. PR-1313-L57879
Tuan Wilson Ugak Kumbong [Hulu Rajang] minta **MENTERI PENDIDIKAN** menyatakan apakah terdapat rancangan daripada pihak Kementerian untuk menaiktaraf kuarters guru di kawasan pedalaman Sabah dan Sarawak terutamanya di Kapit dan Hulu Rajang.
44. PR-1313-L57843
Tuan Liew Chin Tong [Kluang] minta **MENTERI KEWANGAN** menyatakan jumlah cukai yang diperoleh daripada cabutan khas (special draw) nombor ramalan dan kegunaannya sejak 1999, dan adakah Kerajaan bersedia untuk menghentikan cabutan khas nombor ramalan.
45. PR-1313-L57493
Dr. Michael Jeyakumar Devaraj [Sungai Siput] minta **MENTERI SUMBER MANUSIA** menyatakan bilangan pekerja yang berkerja di majikan dengan 5 pekerja ke bawah. Apakah kaedah yang akan dipakai oleh Kementerian untuk membantu majikan dengan 5 pekerja ke bawah melaksanakan gaji minima untuk pekerja mereka pada Januari 2014.
46. PR-1313-L57891
Tuan Charles Anthony Santiago [Klang] minta **MENTERI SUMBER MANUSIA** menyatakan apakah rancangan atau tindakan Kementerian jika sebilangan daripada 600,000 SME tidak mengikuti arahan Kerajaan untuk membayar gaji minima selepas bulan Disember 2013.
47. PR-1313-L58431
Dato' Johari bin Abdul [Sungai Petani] minta **PERDANA MENTERI** menyatakan Perkhidmatan Tadbir dan Diplomatik (PTD) telah banyak menyumbang kepada pembangunan negara. Adakah Kerajaan bercadang untuk memperhebatkan perkhidmatan ini dengan mengkaji semula sistem latihan pra-perkhidmatan PTD, termasuk membuka perkhidmatan ini kepada mereka yang berkhidmat dalam sektor swasta dan anggota perkhidmatan awam yang lain agar perkhidmatan ini lebih mantap.
48. PR-1313-L57521
Dato' Seri Abdul Hadi bin Awang [Marang] minta **PERDANA MENTERI** menyatakan adakah Kerajaan berhasrat untuk melaksanakan Pilihanraya bagi memilih Ahli-ahli Dewan Negara di masa hadapan.

49. PR-1313-L58028
Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan tentang kerja pemulihan dan pemugaran Gereja Saint Lawrence di negeri Melaka. Memandangkan gereja ini ialah gereja pertama dibina di rantau ini, apakah usaha Kementerian untuk mengembalikan kedudukannya.
50. PR-1313-L57327
Tan Sri Datuk Seri Panglima Joseph Pairin Kitingan [Keningau] minta **PERDANA MENTERI** menyatakan sama ada Kerajaan Persekutuan komited untuk melaksanakan rekomendasi yang bakal dikemukakan oleh RCI untuk menangani masalah PTI dan kad pengenalan palsu. Kalau ya, adakah Kerajaan Persekutuan bersedia untuk menarik balik semua kad pengenalan yang diperolehi melalui surat akuan yang diragui kesahihannya.
51. PR-1313-L57832
Datuk Nur Jazlan bin Mohamed [Pulau] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan langkah yang diambil dalam menangani kemiskinan bandar dan nyatakan jumlah isi rumah seluruh negara yang dikategorikan sebagai miskin bandar.
52. PR-1313-L58355
Tuan Haji Khalid bin Abdul Samad [Shah Alam] minta **MENTERI PENDIDIKAN** menyatakan status pembinaan Sekolah U10 dan kos pembinaannya.
53. PR-1313-L57731
Tengku Razaleigh Hamzah [Gua Musang] minta **MENTERI KEWANGAN** menyatakan sama ada Kerajaan akan menarik balik atau membatalkan jaminan-jaminan kewangan Kerajaan yang diberi untuk menjamin pinjaman-pinjaman yang diperolehi oleh badan-badan milik Kerajaan yang sekarang ini, sudah diswastakan bagi mengambil kira keadaan (kurangan) kewangan Kerajaan yang dialami sekarang ini.
54. PR-1313-L58896
Tuan Anuar bin Abd. Manap [Sekijang] minta **PERDANA MENTERI** menyatakan :-
- (a) berapakah jumlah aduan yang telah diterima oleh pengguna terhadap pemandu teksi yang tidak mengeluarkan resit selepas pembayaran tambang dibuat; dan
 - (b) berapakah jumlah pemandu dan syarikat teksi yang telah diambil tindakan berkenaannya kes ini.

ATURAN URUSAN MESYUARAT DAN USUL-USUL

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (18 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 6. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |

7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “

[Menteri di Jabatan Perdana Menteri]
8. (D.R. 10/2013) Rang Undang-undang Kanun Tatacara Jenayah (Pindaan) 2013 “

[Menteri di Jabatan Perdana Menteri]
9. (D.R. 12/2013) Rang Undang-undang Keterangan (Pindaan) 2013 “

[Menteri di Jabatan Perdana Menteri]
10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

[Menteri Pelancongan dan Kebudayaan]
11. (D.R. 20/2013) Rang Undang-Undang Dadah Berbahaya (Pindaan) 2013 “

[Menteri Kesihatan]
12. PR-1313-U58205
Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.79	Laporan Tahunan dan Penyata Kewangan Lembaga Kenaf dan Tembakau Negara Bagi Tahun 2012.	19 November 2013
ST.82	Laporan Tahunan dan Penyata Kewangan Lembaga Tabung Haji Bagi Tahun 2012.	19 November 2013